

Bilten prekovremenog rada (Overtime Fact Sheet) za individualne njegovatelje (Individual Providers)

Ovaj bilten je namijenjen da pomogne individualnim njegovateljima (Individual Providers) da razumiju pravila vezana za ograničenja radne sedmice i prekovremeni rad. Molimo kontaktirajte klijentovog voditelja predmeta ili posjetite www.dshs.wa.gov/altsa/IPOT za više informacija.

OPŠTE INFORMACIJE O PREKOVREMENOM RADU

1. Šta je "radna sedmica"?

Radna sedmica počinje nedjeljom u 24.00 (ponoć) i završava se sljedeće subote u 23.59.

2. Šta je Ograničenje radne sedmice (Work Week Limit - WWL)?

Ograničenje radne sedmice je ukupan broj radnih sati koje možete raditi u jednoj radnoj sedmici. Zakon države Washington iz 2016. postavio je ograničenje na broj sati koje njegovatelj može raditi u radnoj sedmici. Svi njegovatelji imaju ograničenje radne sedmice (WWL). Možete raditi samo do vašeg ograničenja radne sedmice kad su vam ovi sati dodijeljeni od strane jednog ili više klijenata i kada klijent za kojeg radite ima pravo na te sate. Klijenti mogu da ne dodijele više od procijenjenih mjesečnih sati u njihovom Planu njege. Ograničenja radne sedmice pomažu u kontroliranju troškova prekovremenog rada kako bi se osiguralo da sredstva za usluge ostanu dostupna svima onima kojima su potrebna.

3. Kako DSHS (Ministarstvo zdravstva i socijalnih usluga države Washington) utvrđuje moje trajno Ograničenje radne sedmice i kako ja mogu znati svoje trajno Ograničenje radne sedmice?

Državni zakon donesen je u aprilu 2016. Ovaj zakon uspostavlja Ograničenje radne sedmice na 40 sati za sve njegovatelje osim za one koji su odradili prosjek od više od 40 radnih sati sedmično u januaru 2016. Ograničenja radne sedmice preko 40 sati utvrđena su dijeljenjem isplaćenih radnih sati njegovatelja u januaru 2016. sa 4,33 i zaokruživanjem najbližoj četvrti sata. U maju 2016., DSHS je poštom poslalo obavijesti njegovateljima koji su radili u januaru 2016. u kojima se navode informacije o njihovim Ograničenjima radne sedmice. Nijedno trajno Ograničenje radne sedmice ne može prekoračiti više od 65 sati. Ako ste počeli raditi kao njegovatelj poslije januara 2016. vaše Ograničenje radne sedmice je 40 sati.

4. Šta ako mislim da je moje trajno Ograničenje radne sedmice utvrđeno nepravilno?

Ako mislite da je vaše Ograničenje radne sedmice utvrđeno nepravilno, možete podnijeti zahtijev voditelju klijentovog predmeta i DSHS će pregledati vaše radne sate prema Zakonu o upravnom postupku države Washington 388-114-0050.

5. Hoće li se moje Ograničenje radne sedmice ikad promijeniti?

Ako je vaše trajno Ograničenje radne sedmice između 60,25 i 65 sati, ono će se smanjiti na 60 sati na dan 1. juli 2017., osim u slučaju izmjene u zakonu. U protivnom, vaše trajno Ograničenje radne sedmice neće se mijenjati sve dok ste kvalificirani kao njegovatelj. Vaše Ograničenje radne sedmice također će ostati isto ako napravite prekid u pružanju usluga i kasnije se vratite raditi kao njegovatelj.

6. Koje usluge su uključene u radne sate u mom Ograničenju radne sedmice?

- Osobna tjelesna njega
- Olakšavanja tegoba
- Obuka za sticanje vještina
- Pauza od njege

7. Primjenjuje li se moje Ograničenje radne sedmice na vrijeme provedeno u putu, na koju zahtijeva DSHS ili na plaćene slobodne dane (PTO)?

Ne. Vrijeme putovanja, obuka koju zahtijeva DSHS i plaćeni slobodni dani nisu uključeni u vaše Ograničenje radne sedmice. To znači da možete raditi sve do vašeg Ograničenja radne sedmice obavljajući zadatke za klijenta kada je to potrebno, čak i u sedmicama kada imate zahtijevanu obuku, odobreno putno vrijeme ili uzeti plaćene slobodne dane.

Bilten prekovremenog rada (Overtime Fact Sheet) za individualne njegovatelje (Individual Providers)

PLAĆANJE PREKOVREMENOG RADA (OVERTIME - OT)

8. Kako se obračunava plaćeni prekovremeni rad?

Vama se plaća vaša redovna naknada za sve vrijeme koje ste radili do 40 sati u radnoj sedmici. Za sve vrijeme koje ste radili preko 40 sati, plaća vam se vaša redovna naknada u pomnožena sa 1,5. Sistem plaćanja IPOne isplaćuje puni iznos sati koje ste radili u radnoj sedmici u visini vaše redovne naknade (naziva se "puna stopa"). On pokazuje prekovremeni rad kao dodatnih ½ cijene za prekovremene sate. Ti zbrojevi zbrajaju se u konačni iznos za plaćanje.

Primjer:

Vi ste radili 45 sati u radnoj sedmici a vaša redovna cijena je 12USD/sat.

Vaša plaća bila bi:

45 sati x 12USD po satu (puna cijena) = 540USD

+ 5 sati prekovremenog rada x 6USD (polovina cijene) = 30USD

Ukupno 540USD+30USD = 570USD

Prekovremeni rad prikazan je u Opisu sažetka plaćanja i razdijeljen u Odjeljku za zarade. U ovom primjeru Odjeljak za zarade prikazao bi 45 sati osobne tjelesne njege i 5 sati prekovremenog rada.

9. Hoće li meni biti plaćen prekovremeni rad za vrijeme provedeno u putu, za obuku koju zahtijeva DSHS ili za plaćene slobodne dane?

Vama će biti plaćen prekovremeni rad za vrijeme provedeno u putu i za obuku koju zahtijeva DSHS ako je ukupni iznos sati koje ste radili u radnoj sedmici preko 40. Plaćeni slobodni dani ne smatraju se kao sati provedeni u radu, stoga se za njih nikad ne može ostvariti pravo na plaćanje prekovremenog rada.

INFORMACIJE O NJGOVATELJIMA KOJI IMAJU TRAJNO OGRANIČENJE RADNE SEDMICE OD 40 SATI

10. Da li ja mogu raditi više od 40 sati u radnoj sedmici?

Vi ne možete raditi više od 40 radnih sati u radnoj sedmici osim ako niste primili posebno odobrenje za klijenta od DSHS da privremeno radite preko 40 sati.

11. Da li ja mogu raditi više od mog trajnog Ograničenja radne sedmice ako radim za više klijenata?

Morate se organizirati kako biste odradili sve sate koji pripadaju klijentu unutar vašeg trajnog Ograničenja radne sedmice, bez obzira za koliko klijenata radite. Ako radite za više od jednog klijenta, morate rasporediti vaše vrijeme za svakog od njih kako biste osigurali da, kada zbrojite zajedno sve vaše radne sate, vi ne radite više nego što je vaše trajno Ograničenje radne sedmice.

12. Šta da uradim ako me klijent za kog radim želi rasporediti da radim više sati nego što imam na raspolaganju u mom trajnom Ograničenju radne sedmice?

- Objasnite da vam nije dozvoljeno raditi više nego što je vaše trajno Ograničenje radne sedmice i da bi se takav zahtijev smatrao prekomjernim. Pogledajte #19 za dodatne informacije u vezi s prekomjernim zahtjevima
- Ne prihvatajte zadatke koji će izazvati da radite više nego što je vaše Ograničenje radne sedmice.
- Podstaknite klijenta da angažira dodatnog njegovatelja.
- Podstaknite klijenta da kontaktira voditelja njegovog/njenog predmeta ako klijent ima poteškoće da razumije vaše ograničenje ili ne može pronaći dodatnog njegovatelja.
- Molimo pogledajte #18 na stranici 3 za dodatne informacije u vezi s nenadanim i hitnim potrebama.

Bilten prekovremenog rada (Overtime Fact Sheet) za individualne njegovatelje (Individual Providers)

INFORMACIJE O NJEGOVELJIMA KOJI IMAJU TRAJNO OGRANIČENJE RADNE SEDMICE OD 40.25 SATI ILI VIŠE

13. Da li ja mogu raditi više od 40 sati u radnoj sedmici?

Ako primite pisanu obavijest od DSHS-a da je vaše trajno Ograničenje radne sedmice veće od 40 ili ako imate privremeno posebno odobrenje od DSHS-a o povećanju sati za klijente, možete raditi do broja sati navedenih u vašoj obavijesti.

14. Šta da uradim ako radim za više od jednog klijenta?

Molimo pogledajte odgovor na pitanje #11.

15. Šta ako klijent za kog radim traži od mene da prilagodim moje sate kako bih radio više nego što je moje trajno Ograničenje radne sedmice u jednoj sedmici?

Vi ćete imati mogućnost prilagoditi svoje sate ako je sve od sljedećeg tačno:

- Klijent ima potrebu; i
- Radeći dodatne sate ne bi se prekoračili klijentovi procijenjeni mjesečni sati; i
- Duži rad u jednoj sedmici neće rezultirati sa tim da klijent ostane bez osnovne njege u ostalim sedmicama tog mjeseca; i
- Duži rad u jednoj sedmici neće izazvati da prekovremeno radite u mjesecu nego što biste morali ako biste radili do vašeg Ograničenja radne sedmice svake sedmice tog mjeseca.

Kad je vaše Ograničenje radne sedmice preko 40, možete podesiti svoje sate po svojim potrebama sve dok ne radite prekovremeno u jednom mjesecu više nego što biste normalno radili. Količina mjesečnih prekovremenih sati izračunava se oduzimanjem 40 sati od vašeg Ograničenja radne sedmice i množenjem ostatka sa brojem subota u tom mjesecu.

Primjer:

Hoze ima Ograničenje radne sedmice na 46 sati. Količina mjesečnog prekovremenog rada koju Hoze može raditi zavisi od broja subota u mjesecu u kojem radi.

Računica s 5 subota: $46 - 40 = 6 \times 5 = 30$

Računica s 4 subote: $46 - 40 = 6 \times 4 = 24$

Klijentu za kog Hoze radi potrebno je da Hoze ima fleksibilan raspored kroz čitav mjesec, što Hoze može činiti sve dotle dok ne radi više od 30 sati prekovremeno u mjesecima s 5 subota, ili 24 sata prekovremeno u mjesecima s 4 subote.

Možete takođe podesiti svoje sate da radite više od vašeg Ograničenja radne sedmice, ako klijent za kog radite dobija pravo na dodatne prekovremene sate preko budžeta iz New Freedom ili Veteran Directed Homecare Services, usluge kućne njege namijenjene veteranima.

16. Šta da uradim ako me klijent za kojeg radim želi rasporediti da radim više prekovremenih sati ukupno nego što imam na raspolaganju u mom trajnom Ograničenju radne sedmice?

Molimo pogledajte odgovor na pitanje #12.

PRIVREMENO SPECIFIČNO OGRANIČENJE RADNE SEDMICE ZA KLIJENTE (CSWWL)

17. Šta je privremeno Specifično ograničenje radne sedmice za klijenta?

Klijent za kojeg radite može tražiti od DSHS-a da privremeno poveća vaše Ograničenje radne sedmice dok on ili ona traži dodatnog njegovatelja koji će zadovoljiti klijentove potrebe. DSHS će vam odgovoriti poštom, s pisanim odobrenjem ili odbijanjem. Ako je odobreno, u obavijesti će biti naveden datum od kog odobrenje počinje i završava, kao i broj odobrenih sati. Klijent za kojeg radite će takođe dobiti kopiju. Ovaj zahtjev/pisana obavijest poznat je i kao zahtjev za Specifičnim ograničenjem radne sedmice za klijenta (CSWWL). DSHS neće odobriti privremeno Ograničenje radne sedmice koje prekoračuje klijentove procijenjene mjesečne sate.

Bilten prekovremenog rada (Overtime Fact Sheet) za individualne njegovatelje (Individual Providers)

NENADANE POTREBE

18. Šta da uradim ako sam odradio sve sate u svom Ograničenju radne sedmice a klijent ima nenadanu i hitnu potrebu, a ja moram nastaviti raditi da bih pružio podršku klijentovom zdravlju i sigurnosti?

- Ostanite s klijentom dok situacija ne postane sigurna i stabilna.
- Ako iskrsao hitan slučaj koji zahtijeva hitne medicinske usluge, kontaktirajte 9-1-1.
- Završite svoj radni dan čim bude sigurno da to učinite.
- Kontaktirajte voditelja predmeta do sljedećeg radnog dana da biste objasnili situaciju.

PREKORAČENO POTRAŽIVANJE

19. Šta je prekoračeno potraživanje?

Do PREKORAČENOG POTRAŽIVANJA dolazi kad:

- Radite više radnih sati u mjesecu nego što ste ovlašteni; ili
- Radite sate koji su iznad vašeg Ograničenja radne sedmice a koji nisu odobreni od strane DSHS-a; ili
- Zahtijevate (potražujete) više sati provedenih u putu nego što ste ovlašteni da obavite u radnoj sedmici.

20. Šta je Postupak zbog kršenja ugovora?

Postupak zbog kršenja ugovora (Contract Action) je obavijest koju vam šalje DSHS. Obavijest vas informira da ste radili više prekovremenih radnih sati ili imali sati provedenih u putu više nego što vam je odobreno za rad.

21. Šta se dešava ako ja radim preko mog Ograničenja radne sedmice ili prekoračim ograničenje za vrijeme provedeno u putu?

- Svaki put kad prekoračite zahtijev, primi ćete pisanu obavijest o postupku zbog kršenja ugovora i informaciju od DSHS-a koja vas podsjeća na značaj toga da ne radite neodobrene prekovremene sate. Obavijest će također biti poslana klijentu(-ima) za koje radite i njihovim zastupnicima.
- Pri trećem slučaju prekoračenog potraživanja, vaš ugovor može biti poništen ili vi možete ostati bez prava na primanje plate u roku od 90 dana. Ako se ugovor poništi, morate čekati 90 dana prije nego što steknete pravo na novi ugovor.
- Ako vi u znatnoj mjeri u više navrata, prekoračite radnu sedmicu ili ograničenja za vrijeme provedeno u putu, DSHS može poništiti vaš ugovor u skladu s osnovnim temeljima ugovora i odbiti da s vama obnovi ugovor.

22. Koliko će dugo postupak zbog kršenja ugovora ostati u mom ugovornom dosijeu?

Svaka i postupak zbog kršenja ugovora će ostati otvorena 12 mjeseci od datuma obavijesti o postupku zbog kršenja ugovora. Nakon 12 mjeseci zaključuje se postupak zbog kršenja ugovora.

23. Kako mogu izbjeći postupak zbog kršenja ugovora?

- Uvijek unaprijed planirajte svoj raspored rada i napišite ga.
- Ako se klijentove potrebe mijenjaju i morate raditi po drugačijem rasporedu koji utiče na vaše Ograničenje radne sedmice, odmah kontaktirajte voditelja klijentovog predmeta.
- Bilježite svoje radno vrijeme u tabelu sa satnicom poslije svakog radnog dana, može pomoći da to bilježite i na papirnom kalendaru. Često provjeravajte kako biste bili sigurni da ostajete u granicama vašeg Ograničenja radne sedmice.
- DSHS ima na raspolaganju sredstva da pomogne vama i vašem poslodavcu/klijentu da nauče više o organiziranju vašeg rasporeda kako biste ostali unutar Ograničenja radne sedmice. Ova sredstva su na raspolaganju na www.dshs.wa.gov/altsa/IPOT.